

2023 NCEA Pūrongo Aromatawai

Te Marautanga o Aotearoa	Pāngarau
Rā Aromatawai	25 Oketopa, 2023
Te Momo Aromatawai	Kete Manarua
Ngā Paerewa Paetae	92400, 92404, 92405 92401 (kāore kau he ākonga)

Wāhanga 1: He Tirohanga Whānui

He Kete Manarua e whai wāhi ai te ākonga ki te whakatutuki i te roanga ake o te tau, ka mutu, he tauira te aromatawai me ōna kaupapa hei ārahi i te ākonga, heoi, ki te hiahia rānei mā ngā kaupapa kē o te kura te aromatawai e kawē ko te painga atu tērā.

Wāhanga 2: He kōrero mō te Paerewa

92400: Te whakamahi kīanga me te tuhi kauwhata o ngā pānga hei whakaoti rapanga

Te Aromatawai ā-Waho:

Ko te whakamahi i ngā kīanga me te tuhi kauwhata o ngā pānga hei whakaoti rapanga.

Ko te whakatere waka hourua tōna aronga. Ko tā te ākonga he whakaatu i tōna mōhiotanga me te whakaemi taunakitanga hei whakatutuki i ngā paerewa paetae o te Paerewa Paetae nei.

Tirohanga Whānui :

- He whakatere waka hourua te kaupapa o te aromatawai, hei ārahi i ngā ākonga ki te whakamahi kīanga, ki te tuhi kauwhata hoki hei whakaatu i ngā pānga ki te kaupapa hei whakaoti rapanga.
- Kotahi anake te ākonga i whai i tēnei Paerewa Paetae, ā, kāore hoki i whakawhiwhia ki te Paetae.

Pūrongo Paerewa Paetae:

Ko ngā Ākonga i eke ki te **Kairangi** i te paerewa paetae nei:

- Ka whakahoropaki i te kaupapa ki tētahi pūāhua Māori me te whakamahi i ngā tikanga Māori e whaitake ana.
- Ka tātari, ka whakaoti i ngā whārite rārangi me ngā whārite pūrua.



Te Marautanga o Aotearoa

Pāngarau

Rā Aromatawai

25 Oketopa, 2023

Te Momo Aromatawai

Kete Manarua

Ngā Paerewa Paetae

92400, 92404, 92405
92401 (kāore kau he ākonga)

Ko ngā Ākonga i eke ki te **Kaiaka** i te paerewa paetae nei:

- Ka whiriwhiri, ka whakaoti i ngā whārite rārangi me ngā whārite pūrua.
- Ka whiriwhiri i te āhua tika o ngā otinga o te whārite pūrua.

Ko ngā Ākonga i eke ki te **Paetae** i te paerewa paetae nei:

- ka whakahoropaki i te kaupapa ki tētahi pūāhua Māori me te whakamahi i ngā tikanga Māori e whaitake ana.
- ka whakamahi i ngā kīanga taurangi, taurangi hautanga hoki.

Ko te ākonga **Kāore i whakawhiwhia** ki te paerewa paetae nei :

- Nanakia te ākonga ki te whakamahi i ngā kīanga ēngari kāore ana mahi i hāngai ki tā te paerewa paetae e tohu mai ai.
- Tē kite i te māramatanga o te ākonga ki ngā pātai o te ngohe aromatawai.

92404: Te whakaatu mōhiotanga ki ngā tikanga whakamahere tūhuratanga tauanga

Te Aromatawai ā-Waho:

He Kete Manarua e whakaatu ana i te mōhiotanga ki ngā tikanga whakamahere tūhura tauanga.

Ko te oranga o te taiao te aronga. Ko te whakarite i tētahi kaupapa, take rānei e whai pānga ana ki te hāpori, ki te hapū, ki te iwi rānei, he mahi tūhura tauanga.



Te Marautanga o Aotearoa	Pāngarau
Rā Aromatawai	25 Oketopa, 2023
Te Momo Aromatawai	Kete Manarua
Ngā Paerewa Paetae	92400, 92404, 92405 92401 (kāore kau he ākonga)

Tirohanga Whānui:

Ka tuhi, Ka whakaatu rānei ngā raraunga:

- i te whai me te whakaputa o te hīkaro tauanga
- he tātaritanga, he arohaehaetanga
- he taunaki i āna kitenga.

Kāore he ākonga i eke ki te Kairangi o te Paerewa Paetae nei, heoi, ka eke kē ki te Kaiaka. He taurira e whai ake nei hei whakatutuki kia whakawhiwhia ki te Kairangi.

Pūrongo Paerewa Paetae:

Ko ngā Ākonga i eke ki te **Kairangi** i te paerewa paetae nei:

- ka āta whakaatu i ngā herenga me ngā pūmāramarama o te whakamahinga o te tūhuratanga tauanga.
- ka āta whakamārama i te whakamahinga o ngā tikanga whakamahere.

Ko ngā Ākonga i eke ki te **Kaiaka** i te paerewa paetae nei:

- ka whakamārama i te pānga o ngā tikanga matatika, me ngā tikanga ahurea ki ngā tikanga kohikohi, me ngā tikanga pupuri raraunga.
- ka whakaatu mai ngā whakautu i ngā tikanga i whakamahia me ōna pānga ki te horopaki.



Te Marautanga o Aotearoa	Pāngarau
Rā Aromatawai	25 Oketopa, 2023
Te Momo Aromatawai	Kete Manarua
Ngā Paerewa Paetae	92400, 92404, 92405 92401 (kāore kau he ākonga)

Ko ngā Ākonga i eke ki te **Paetae** i te paerewa paetae nei:

- i whakakamahi i ngā tukanga o te tūhuratanga tauanga
- i whakaputa te ākonga i ōnā ake whakaaro mō ngā tikanga matatika e hāngai ana ki te taiao o tōna hāpori.

Ko te ākonga **Kāore i whakawhiwhia** ki te paerewa paetae nei :

- Kāore i tuhi, kāore i whakaatu rānei i ngā raraunga i kohia.
- Kāore i whai i ngā tikanga mō te tūhuratanga tauanga.

92405: Te whakamahi i ngā tikanga tūponotanga hei whakaoti rapanga mā te whakatauiria me te tuari

Te Aromatawai

Ko te Kete Manarua tēnei e whakamahi ana i te tikanga tūponotanga.

Ko te taiao te aronga o te aromatawai kia puta ai he hua ki te taiao, mā te whakatauiria me te tuari māori mō ngā rā e haere ake nei.

Ko ngā tūponotanga kua hua ake i ngā āhuratanga o te taiao, ka matapae mēnā ka ora, ka matemate haere rānei te taiao.

Tirohanga Whānui

Ko te taiao tōna aronga hei parahau, hei tūhura mā te ākonga, ā he rikarika te āhua o tēnei ngohe, nā te pai o te horopaki. Ko te painga o te Kete Manarua nei, e whai wāhi ai te ākonga ki te whakaoti taunakitanga i te roanga ake o te tau.



Te Marautanga o Aotearoa	Pāngarau
Rā Aromatawai	25 Oketopa, 2023
Te Momo Aromatawai	Kete Manarua
Ngā Paerewa Paetae	92400, 92404, 92405 92401 (kāore kau he ākonga)

Pūrongo Paerewa Paetae

Ko ngā ākonga i whakawhiwhia ki te **Kairangi** i te paerewa paetae nei:

- maia te kite i te māramatanga a ngā ākonga ki te tuitui i ngā horopaki pāngarau i roto i ngā wāhanga katoa.
- nanakia te arohaehae, me te wetewete i ngā whakakitenga mātauranga tauanga me te tūponotanga
- māia te whakatako me te parahau i ngā mātauranga a te rapanga.

Ko ngā ākonga i whakawhiwhia ki te **Kaiaka** i te paerewa paetae nei

- ka whakaputa kōrero me te whakataunaki i tāna i kite ai.
- ka tuitui i ngā tikanga tūponotanga ki te horopaki me te taupori.
- ka whiriwhiri, ka whakamahi i ngā mahi arorau hei whakaoti rapanga.

Ko ngā ākonga i whakawhiwhia ki te **Paetae** i te paerewa paetae nei

- ka tuhura i te horopaki.
- ka whakaatu i te tūhono me te tuitui i ngā tikanga hei whakaoti rapanga.
- ka whakaatu i ōna mōhioanga ki ngā huatau pūāhua tūponotanga.

Ko ngā ākonga **Kāore i whakawhiwhia** ki te paerewa paetae nei

- kāore i whānui te tūhura me te parahau i ngā tikanga o te tūponotanga
- kāore i whakautu i ngā pātai, me te whakahāngai ki te horopaki.

